



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Sancti Cosmæ de Vicovario, ejusque fratribus tam præsentibus
quàm futuris regularem vitam professis in perpetuum.

urn:nbn:de:hbz:466:1-20020

vivus adductus, ut vel sic posset evadere, juramento firmavit quod sibi vel suis praeterquam I. monacho & Constant. quæstionem super iis de cetero non moveret. Propter cuius enormitatem excessus venerabilis frater noster Antisiodorensis Episcopus, qui loci diocesanus existit, Ecclesiam & villam Sessiacensem supposuit interdicto. Postmodum verò cum idem Presbyter jam convalueret utcunque, Abbas sancti Germani, ad quem Sessiacensis pertinet prioratus, auctoritate quarundam generalium litterarum obtentarum antequam dictus Presbyter prefatam Ecclesiam habuisset, coram judicibus Aurelianensibus eundem traxit in caufam; saepdicto Prior occasione aliarum litterarum similiter generalium ipsum nihilominus citari Bituricas faciente, ut sic jugibus deficeret laboribus & expensis. Vnde consumpto modico patrimonio quod habebat, necessaria tandem coactus est mendicare. Et licet constaret eum malitiosa vexatum, judices tamen ei cum instantia postulant expensas restitui non fecerunt. Ceterum Prior à jambiō Aurelianensi Episcopo & conjudicibus suis auctoritate nostra excommunicationis sententia innodatus pro eo quod pertinaciter veniebat contra ordinationem eorum factam super provisione Presbyteri memorati, per nuntium suum nobis suggerere procuravit quod idem judices post appellationem ad nos legitimè interpositam supplicerent terram suam & homines interdicto; & sic de lata in eum excommunicationis sententia, diocesani etiam interdicto, ac ordinatione provisionis, dicti Presbyteri non habita mentione, nostras ad Abbatem sancti Benigni Divisionensis & conjudices suos litteras impetravit. Qui eidem Presbytero personaleriter coram eis præfixo sibi termino comparenti petitas deliberandi inducias denegarunt & legitimas exceptions ipsius, quas tam super excommunicatione Prioris quam suspicione litterarum, quarum filum ruptum certius videbatur, ac etiam interdicto diocelani Episcopi opponebat, admittere recusantes, post appellationem ad nos his & aliis causis à praedicto Presbytero interpositam, sententiam interdicti, quam Aurelianensis Episcopus & conjudices ejus interram Prioris protulerant, in ejus prejudicium revocarunt. Quo pretextu jambiō Prior, licet excommunicationis sententia, quam idem Aurelianensis Episcopus & conjudices sui protulerant in eundem, remanerit innodatus, & in-

terdictum in Ecclesiam & villam de Sessaco a diocesano Episcopo pro verberatione dicti Presbyteri promulgatum relaxatum non fuerit, divina tamen celebrare presumit, & per sé ac monachos suos parochianis saepatet Presbyteri ecclesiastica sacramenta ministrans, oblationes pertinentes ad ipsum in proprios usus convertere non veretur. Quia igitur hæc, si vera sunt, sub dissimulatione transfire nec volumus nec debemus, discretioni vestre per apostolica scripta mandamus quatinus si vobis constiterit de præmissis, revocato in statutum debitum quicquid per dictos Abbatem sancti Benigni & conjudices ejus post appellationem ad nos legitime interpositam in prejudicium prefati Presbyteri extitit attentatum, interdicti & excommunicationis sententias tam à saepato Episcopo Aurelianensi & conjudicibus suis quam à loci diocesano in villam & homines de Sessaco promulgatas faciatis usque ad satisfactionem condignam firmiter observari. Illos verò quos in saepatum Presbyterum constiterit manus temerarias injecisse tamdiu excommunicatos publicè nuntietis & faciatis ab omnibus arctius evitari donec passo injuriam satisfecerint competenter, & cum vestrum testimonio litterarum ad sedem venerint apostolicam absolvendi, non obstantibus litteris quas à venerabili fratre nostro Episcopo Tulculano super absolutione sua obtinuisse dicuntur tacita veritate. Priorem verò, si eum in hoc constiterit fuisse culpabilem vel excommunicatum celebrasse divina, ab officio beneficioque suspensum ad nostram præsentiam cum vestris litteris veritatem plenius continentibus transmittatis. Expenas autem quas eundem Presbyterum fecisse constiterit per malitiosam vexationem Abbatis sancti Germani & antedicti Prioris, sicut justum fuerit, restitui faciatis eidem; in præmissis omnibus sublato appellationis obstaculo processuri. Testes autem, &c. usque subtraxerint, per censorum ecclesiasticam appellationem cessante cogatis veritati testimonium perhibere. Quod si non omnes &c. duo vestrum &c. Datum Laterani i. v. Idus Iunij, pontificatus nostri anno decimo quinto.

*ABBATI SANCTI COSMÆ
de Vicovario, ejusque fratribus tam pre-
sentibus quam futuris regularem vitam pro-
fessi in perpetuum.*

Q Votiens postulatur à nobis quod re-
ligioni & honestati convenire dinos-

*Epiſt. 110.
Recipiuntur*

648 Epistolarum Innocentij III.

sub protectione sedis apostolicae.

citur, animo nos decet libenti concedere & juxta potentium voluntatem consentaneum rationi congruum suffragium imperitari. Eapropter, dilecti in Domino filii, vestris justis postulationibus clementer annuimus, & monasterium ipsum sancti Cosmae, quod ad jus & proprietatem beati Petri specialiter pertinet, ad exemplar felicis memorie Celestini Papae praedecessoris nostri sub beati Petri & nostra protectione suscipimus & praesentis scripti privilegio communimus. In primis siquidem statuentes ut ordo monasticus &c. usque illibata permaneant, in quibus haec &c. usque vocabulis Locum ipsum in quo prefatum monasterium situm est cum omnibus pertinentiis suis, Ecclesiam sancti Viti de Vicovaro cum omnibus pertinentiis suis, sanctae Mariæ de Marcianello, sancti Petri de Ferrata, sanctæ Mariæ de Cantalupo, & sancti Felicis Ecclesias, cum omnibus pertinentiis suis, jus quod habetis in Ecclesiis sancti Salvatoris & sancti Nicolai de Cantalupo, Ecclesiam sancti Angeli de Rocca Iovere, quatuor denarios Papienses pensione ab eadem Rocca, in Vicovaro Ecclesiam sanctæ Luciae cum pertinentiis suis, Ecclesiam sancti Ianuarij de Catiniano cum pertinentiis suis, Ecclesiam sanctæ Eugeniae cum pertinentiis suis, quinque denarios Papienses quos à monasterio sancti Clementis Tiburtini percipere debetis, casalem Cerriri Plani, & casalem in Marcianello cum pertinentiis suis. Ad hæc statutinus ut idem monasterium vestrum nulli nisi Romano Pontifici sit subjectum, nec ab eo quicquam ab alio aliquo Clerico seu laico exigatur, excepto uno prandio quod Tiburtino Episcopo cum septem tantum personis semel in anno, si ipsum ad monasterium vestrum forte venire contigerit, perfolvetis. Chrisma verò, oleum sanctum &c. usque quod postulatur impendat. Præterea quatuor molendina de Precis, quæ sedent in pede ripæ sanctorum Cosmae & Damiani, molendinum quod sedet sub fonte Piccicaroli, sedum molendini in rivo de Runci, molendinum in eodem loco quod habetis cum Iohanne de Runci, & terram quam habetus in tenimento Sambuci, vobis nihilominus auctoritate apostolica confirmamus. Sepulturam præterea ipsius loci &c. usque nullus obsfistat. Salva tamen justitia illarum Ecclesiarum à quibus mortuorum corpora assumuntur. Decernimus ergo &c. usque usibus omnimodis profutura. Salva sedis apostolicae auctoritate. Ad indicium autem hujus perceptæ à sede

apostolica libertatis duas libras ceræ nobis nostrisque successoribus annis singulis per solvetis. Si qua igitur in futurum &c. usque districtæ subjaceat ultiō. Cunctis autem eidem loco &c. usque præmia æternæ pacis inveniant. Amen. Datum Laterani per manum Iohannis sanctæ Mariae in Coimidia Diaconi Cardinalis S. R. E. Cancellerij Idibus Iunij, Indictione x v. incarnationis dominice anno M C X I I . pontificatus vero Domini Innocentij Papæ IIII. anno decimo quinto.

*GLASGVENSI ET BRECHINENSI
Episcopos.*

Dilecti filii H. Archidiaconus & Capitulum Ecclesie Dunkeldensis, & Abbas de Scona, Prior de Insula, & universus clerus Dunkeldensis diocesis suis nobis litteris intimarunt quod bone memorie R. Episcopo corundem viam universa carnis ingresso, ipsi convenientes in unum de substitutione Pontificis tractaturi, dilectum filium Iohannem Archidiaconum Laodoniae, invocata spiritus sancti gratia, in Episcopum sibi concorditer elegerunt, & carissimus in Christo filius noster Willermus Scotie Rex illustris electioni eorum benignum assensum præbuit, sicut ipsius litteræ testantur. Vnde dilecti filii R. & R. nuntij eorundem nobis humiliter supplicarunt ut cum præfata Ecclesia sedem apostolicam nullo mediante respiçiat, electionem ipsam auctoritate apostolica confirmantes, ipsum faceremus in Episcopum consecrari. Verum P. nuntius venerabilis fratris nostri Episcopi sancti Andreae in nostra præsencia constitutus postulavit instanter ut cum de consuetudine hæc tenet observata idem Episcopus, ut dicebat, Episcopos Scotiae debeat consecrare, præfatum electum consecrandum ad eum mittere dignaremur. At nuntius memorati, bona memorie Celestini Papæ ac nostrum privilegium allegantes, in quo continetur expresse quod omnes episcopatus Scotiae immediate apostolicae sedi subsunt, inter quos connumeratur & iste, afferuerunt quod præfatus Episcopus id sibi de jure non poterat vendicare. Sed & nuntius supradictus propositi quod idem Episcopus super hoc apostolicae sedi erat scripto munitus. Quia igitur idem nuntius intentionem suam fundere non potuit, & Ecclesia memorata tamdiu differre consecrationem electi sui posset esse valde damnosum, fraternitati vestræ per apostolica scripta mandamus quatinus examinata